

254

Na osnovu člana 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03), **d o n o s i m:**

U K A Z
O PROGLAŠENJU ZAKONA
O NOVČANIM PODSTICAJIMA
U POLJOPRIVREDI I RURALNOM
RAZVOJU NA PODRUČJU
BOSANSKO-PODRINJSKOG
KANTONA GORAŽDE

Prolašava se Zakon o novačnim podsticajima i ruralnom razvoju na području Bosansko-podrinjskog kantona Goražde, koji je donijela Skupština Bosansko-podrinjskog kantona Goražde na 19. redovnoj sjednici, održanoj 12.03. 2013. godine.

Broj:02-02-113/13
12.03.2013. godine
G o r a ž d e

P R E M I J E R
Emir Frašto,s.r.

255

Na osnovu poglavlja IV. odjeljak A. člana 23. tačka b) Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03) i člana 106. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 10/08), Skupština Bosansko-podrinjskog kantona Goražde na 19. redovnoj sjednici, održanoj 12.03. 2013. godine, **d o n o s i:**

Z A K O N
O NOVČANIM PODSTICAJIMA
U POLJOPRIVREDI I RURALNOM
RAZVOJU NA PODRUČJU
BOSANSKO-PODRINJSKOG
KANTONA GORAŽDE

I.

OPĆE ODREDBE

Član 1.

(Predmet Zakona)

Ovim se Zakonom propisuju izvori i visina novčanih sredstava, modeli podsticaja, korisnici-klijenti novčanih podsticaja, uvjeti za ostvarenje novčanih podsticaja, realizacija ostvarenja novčanih podsticaja, izvještavanje i čuvanje dokumentacije, nadzor nad provođenjem ovog Zakona, kaznene odredbe, prelazne i završne odredbe, kao i druga pitanja u vezi sa novčanim podsticajima u poljoprivredi i ruralnom razvoju na području Bosansko-podrinjskog kantona Goražde (u daljem tekstu: Kanton).

Član 2.

(Svrha Zakona)

Svrha donošenja ovog Zakona je harmonizacija mjera novčanih podsticaja u poljoprivredi i ruralnom razvoju između Federacije, Kantona i općina, obezbjeđenje sigurnosti i kontinuiteta novčanih podsticaja sa ciljem razvoja poljoprivredne proizvodnje do nivoa samoodrživosti, otvaranje novih radnih mjesta u poljoprivredi, podsticanje tehničko-tehnološkog i organizacionog unapređenja sektora poljoprivrede, osiguranje stabilnog poljoprivrednog do-

hotka i omogućavanje adekvatnog životnog standarda poljoprivrednog proizvođača.

Član 3.

(Definicije)

U smislu ovog Zakona, pojedini izrazi imaju sljedeće značenje:

- a) „Poljoprivredna djelatnost“ podrazumijeva privrednu djelatnost koja obuhvata biljnu i animalnu proizvodnju i sa njima povezane uslužne djelatnosti u skladu sa standardnom klasifikacijom djelatnosti u Bosni i Hercegovini.
- b) „Poljoprivredno gazdinstvo“ podrazumijeva proizvodnu jedinicu ili grupu jedinica koje čine proizvodnu cjelinu i sa tehničkog i privrednog gledišta, koje se bave proizvodnjom poljoprivrednih proizvoda; gazdinstvo se može baviti i drugim djelatnostima (nepoljoprivrednim) proizvodnim i uslužnim djelatnostima. Poljoprivredno gazdinstvo može djelovati kao privredno društvo, obrt ili zadruga ako je registrovano za obavljanje poljoprivredne djelatnosti, te kao porodično poljoprivredno gazdinstvo.
- c) „Porodično poljoprivredno gazdinstvo“ je samostalna privredna i socijalna jedinica zasnovana na vlasništvu i/ili upotrebi proizvodnih resursa i upravljanju porodice u obavljanju poljoprivredne djelatnosti.
- d) „Nosilac poljoprivrednog gazdinstva“ podrazumijeva fizičko ili pr-

avno lice, ili grupu fizičkih i pravnih lica u skladu sa statusom koji ima grupa i njeni članovi prema zakonima u Bosni i Hercegovini i Federaciji Bosne i Hercegovine, a čije se gazdinstvo nalazi na teritoriji kantona, te obavlja poljoprivrednu djelatnost i koji je u Registru poljoprivrednih gazdinstava upisan kao nosilac gazdinstva. Vlasnik obrta registrovanog za obavljanje poljoprivredne djelatnosti je ujedno i nosilac poljoprivrednog gazdinstva. Ovlašteni zastupnik privrednog društva ili zadruga registrovane za obavljanje poljoprivredne djelatnosti je nosilac poljoprivrednog gazdinstva.

- e) „Korisnikom-klijentom“ se smatraju fizička i pravna lica koja žele ostvariti pravo na podrške u poljoprivredi i ruralnom razvoju i koja se kao takva upisuju u Registar klijenata.

Član 4.

(Usklađenost sa propisima)

Novčani podsticaji određeni ovim Zakonom provode se u skladu sa obavezama iz Sporazuma o stabilizaciji i pridruživanju Evropskoj uniji.

Kantonalno Ministarstvo za privredu osigurava harmonizaciju mjera novčanih podsticaja u saradnji sa Federalnim ministarstvom poljoprivrede.

Kantonalnim programom podsticaja mogu se podsticati proizvodnje iz modela podsticaja proizvodnji Federacije BiH samo do minimalno propisanih kvota navedenih u Dodatku II. Zakona o

novčanim podsticajima u poljoprivredi i ruralnom razvoju („Službene novine FBiH“ br. 42/10).

Općine su obavezne donositi svoje programe novčanih podsticaja u koordinaciji sa kantonalnim Ministarstvom za privredu.

II.

IZVORI I VISINA NOVČANIH SREDSTAVA

Član 5.

(Izvori sredstava)

Sredstva za realizaciju novčanih podsticaja iz člana 1. ovog Zakona obezbjeđuju se u Budžetu Bosansko-podrinjskog kantona Goražde (u daljem tekstu: Budžet) za svaku kalendarsku godinu i iz drugih izvora.

Član 6.

(Visina novčanih sredstava)

Visina novčanih sredstava iz člana 5. ovog Zakona koja se obezbjeđuju iz Budžeta ne mogu biti manja od 3% od poreznih i neporeznih prihoda u Budžetu za tekuću godinu.

U visinu novčanih sredstava iz prethodnog stava ubrajaju se sredstva za poljoprivredu i ruralni razvoj i druga sredstva Budžeta koja su planirana za projekte koji na direktan način utiču na razvoj poljoprivrede i ruralni razvoj, a od interesa su za Kanton.

Član 7.

(Sredstva općina)

Osim sredstava koja se izdvajaju iz člana 6. ovog Zakona, sredstva za novčane podsticaje mogu se izdvajati i u općinskim budžetima.

Član 8.

(Program)

Iznos novčanih podsticaja, minimalni uvjeti za početak proizvodnje, minimalne površine za investiranje, rook-vi podnošenja zahtjeva i drugi uvjeti utvrđuju se Programom kantonalnih novčanih podsticaja u poljoprivredi (u daljem tekstu: Program), koji Vlada Bosansko-podrinjskog kantona Goražde (u daljem tekstu: Vlada) donosi za svaku kalendarsku godinu.

Ministarstvo za privredu Bosansko-podrinjskog kantona Goražde (u daljem tekstu: Ministarstvo) u roku od 15 dana od dana usvajanja Budžeta izrađuje prijedlog programa, organizuje javnu raspravu po prijedlogu programa, te nakon provedene rasprave isti dostavlja Vladi u roku od 30 dana od dana usvajanja Budžeta, na donošenje.

Vlada donosi Program iz stava (1) ovog člana najkasnije u roku od 30 dana od dana objavljivanja Budžeta u „Službenim novinama Bosansko-podrinjskog kantona Goražde“.

Nakon davanja saglasnosti na Program od strane Vlade, ministar za pri-

vredu propisuje Uputstvo za ostvarivanje novčanih podsticaja u primarnoj poljoprivrednoj proizvodnji u roku od trideset (30) dana.

III

MODEL PODSTICAJA

Član 9.

(Mjere novčanih podsticaja)

Novčani podsticaji u smislu ovog Zakona obuhvataju podsticaje u sklopu mjera podsticanja proizvodnje i podsticanja u sklopu mjera strukturne politike.

Novčani podsticaji u sklopu mjera podsticaja proizvodnji provode se kroz model proizvodnji.

Podsticanje u sklopu mjera strukturne politike provodi se kroz:

- a) model kapitalnih ulaganja,
- b) model ruralnog razvoja,
- c) model podrške zapošljavanju,
- d) model ostalih vrsta ulaganja.

Član 10.

(Raspodjela sredstava)

Raspodjela raspoloživih novčanih sredstava za novčane podsticaje za budžetsku godinu vrši se tako da pojedinim modelima pripadaju odgovarajući udjeli u skladu sa raspoloživim sredstvima, koji će biti regulisani Programom.

Član 11.

(Podsticaj proizvodnji)

U okviru modela proizvodnji novčani podsticaji obuhvataju:

- a) animalnu proizvodnju,
- b) biljnu proizvodnju,
- c) gljivarsku proizvodnju,
- d) organsku proizvodnju.

Član 12.

(Animalna proizvodnja)

U okviru animalne proizvodnje podstiče se:

- farme mliječnih krava (držanje mliječnih grla, zootehničke mjere i veterinarske usluge);
- uzgoj priplodnih junica za remont osnovnog stada mliječnih krava;
- farma za tov junadi (uzgoj tovnje junadi, nabavka podmlatka i veterinarske usluge);
- uzgoj priplodnih junica za proširenje osnovnog stada mliječnih krava;
- uzgoj priplodnih ženskih teladi,
- farma ovaca i koza (uzgoj ovaca, ovnova, jagnjadi, jaradi i veterinarske usluge);
- farma za tov svinja (uzgoj krmača, nerastova, prasadi, nabavka podmlatka i veterinarske usluge);
- farma za tov piladi - brojleri (uzgoj brojlera, nabavka jednodnevnih pilića i veterinarske usluge);
- inkubacijska proizvodnja jednodnevnih pilića;
- farma koka nosilja (uzgoj koka nosilja, nabavka jednodnevnih ili osamnaestonedjeljnih pilenki i veterinarske usluge);
- farma za tov ćurana (proizvodnja ćurećeg mesa);
- pčelarstvo (držanje pčelinjih društava, nabavka lijekova, opreme i veterinarske usluge);

- uzgoj matica pčela;
- organizovani otkup svježeg mlijeka;
- vještačko osjemenjavanje krava;
- proizvodnja svježeg mlijeka (kravlje, ovčije i kozije);
- uzgoj slatkovodne ribe;
- držanje konja.

Član 13.

(Biljna proizvodnja)

U okviru podsticanja biljne proizvodnje podstiče se:

- U okviru ratarske proizvodnje podstiču se zasijane površine, provođenje agrotehničkih mjera, nabavka sjemena i repro materijala za:
 - 1) zasijane površine merkantilnim žitaricama (pšenica, tritikale, ječam, raž, zob i kukuruz),
 - 2) zasijane površine heljdom;
 - 3) zasijane površine ljekovitim, aromatičnim i medonosnim biljem (kamilica, menta, neven, kantaron, smilje, facelija i dr.),
 - 4) zasijane površine krmnim kulturama za proizvodnju silaže (travno-djetelinske smjese, djeteline, silažni kukuruz dr.)
- U okviru povrtlarske proizvodnje podstiče se zasijavanje površine, provođenje agro-tehničkih mjera, nabavka sjemena i repro materijala za:
 - 1) zasijane površine merkantilnim krompirom;
 - 2) zasijane površine sjemenskim krompirom
 - 3) zasijane površine ostalim povrtnim kulturama.

- U okviru plasteničke/stakleničke proizvodnje podstiču se zasađene površine i prodaja povrtnih kultura (paradajz, paprika, salata, špinat, patlidžan, krastavac, luk), uzgoj jagode u zatvorenom prostoru i njihova prodaja na tržištu.
- U okviru voćarske proizvodnje podstiče se prodaja voća, proizvodnja sadnog materijala, provođenje agrotehničkih mjera i nabavka repro materijala za:

- 1) zasnivanje novih zasada krošnjastog voća;
- 2) održavanje zasada krošnjastog voća (nakon zasnivanja od prve do pete godine po zasnivanju);
- 3) održavanje zasada autotohnog voća;
- 4) zasnivanje novih zasada jagodičastog voća;
- 5) realizacija proizvodnje krošnjastog i jagodičastog voća.

Član 14.

(Gljivarska proizvodnja)

U okviru gljivarske proizvodnje podstiče se proizvodnja gljiva u zatvorenom prostoru.

Član 15.

(Organska proizvodnja)

U okviru organske proizvodnje podstiče se certificiranje organske proizvodnje do dobijanja sertifikata te druge mjere za razvoj organske proizvodnje u skladu sa Programom.

Član 16.

(Model kapitalnih ulaganja)

U okviru modela kapitalnih ulaganja podstiče se:

- Plaćanje rente za uređenje građevinskog zemljišta za poljoprivredne objekte sa završenim grubim građevinskim radovima preko 50% i to za:
 - 1) štalske objekte za uzgoj goveda, ovaca, koza, peradi i svinja u okviru poljoprivrednog gazdinstva;
 - 2) objekte za skladištenje, hlađenje, sušenje, sortiranje i pakiranje poljoprivrednih proizvoda u okviru poljoprivrednog gazdinstva;
 - 3) izgradnju ribnjaka.
- Rekonstrukcija i izgradnja štalskih objekata za uzgoj goveda, ovaca, koza, peradi i svinja.
- U okviru modela kapitalnih ulaganja podstiče se kupovina u tekućoj godini:
 - 1) poljoprivrednog zemljišta isključivo za poljoprivrednu proizvodnju, a u cilju povećanja poljoprivredne proizvodnje;
 - 2) novog staklenika ili plastenika;
 - 3) nove poljoprivredne mehanizacije i opreme u biljnoj proizvodnji;
 - 4) nove poljoprivredne mehanizacije i opreme za animalnu proizvodnju;
 - 5) opreme za peradarstvo i to: novi kavezi, novi sistem za pojenje, sistem za hranjenje i ventilatori za rashlađivanje;
 - 6) nabavka rasplodne stoke.

Ministarstvo može u Programu ograničiti mogućnost ostvarivanja podsticaja u okviru kapitalnih ulaganja kroz uspostavljanje procedure rangiranja projekata i ograničenja po osnovu statusa korisnika podsticaja u evidenciji Službe za zapošljavanje Bosansko-podrinjskog kantona Goražde.

Član 17.

(Model ruralnog razvoja)

Model ruralnog razvoja ima za cilj ekonomski, socijalni i kulturni napredak stanovništva u ruralnom području Bosansko-podrinjskog kantona Goražde uz uvažavanje principa održivog razvoja.

Novčani podsticaj za ruralni razvoj ostvaruje se u oblasti konkurentnosti, zaštite i unapređenja ruralne okoline i diverzifikaciju ruralnih aktivnosti.

Novčani podsticaj za ruralni razvoj uvodi se radi unapređenja poljoprivredne, odnosno razvoja biljne i animalne proizvodnje i sa njima povezanih nepoljoprivrednih djelatnosti, te očuvanje autohtonih pasmina i zemljišta u dobrom poljoprivrednom i okolinskom stanju.

Mjere ruralnog razvoja koje se finansiraju sredstvima Budžeta utvrđuju se u Programu ruralnog razvoja.

Član 18.

(Novčani podsticaji za ruralni razvoj)

U okviru konkurentnosti u ruralnom razvoju podstiče se:

- investicije u poljoprivredna gazdinstva,
- ruralna infrastruktura,
- stručno osposobljavanje u poljo-

- privredi,
- tradicionalni proizvodi;

U okviru zaštite okoline u ruralnom području podstiče se:

- područja sa težim uvjetima privređivanja u poljoprivredi,
- uvođenje agroekoloških zona,
- organska proizvodnja,
- uređenje agro okoline,
- očuvanje autohtonih životinjskih i biljnih vrsta.

U okviru diverzifikacije ruralnih aktivnosti podstiče se:

- usluge i dopunske aktivnosti,
- očuvanje ruralnog nasleđa,
- razvoj ruralnog turizma.

Član 19.

(Model podrške zapošljavanju)

U okviru modela podsticaja zapošljavanju podstiče se:

- 1) sufinansiranje obaveza po osnovu doprinosa za socijalno osiguranje u visini od 50% troškova za socijalno osiguranje, odnosno do 100 % za osobe starije od 60 godina;
- 2) Uvećani iznos novčanih podsticaja u modelu proizvodnje;
- 3) Uvećan iznos novčanih podsticaja u poljoprivrednim gazdinstvima u kojima su nosioci obrta žene;
- 4) Uvećan iznos novčanih podsticaja za kapitalna ulaganja.

Član 20.

(Ostale vrste podsticaja)

Ostale vrste podsticaja obuhva-

taju podsticaje provođenja određenih mjera strukturne politike te drugih mjera koje nisu obuhvaćene modelima kapitalnih ulaganja i ruralnim razvojem:

U okviru modela ostalih vrsta novčanih podsticaja postiče se:

- 1) realizacija pojedinačnih projekata iz oblasti poljoprivrede, a koji se ocijene značajnim za razvoj poljoprivredne proizvodnje na području našeg kantona;
- 2) aktivnosti različitih zadruga, udruženja ili asocijacija, a koje su u funkciji razvoja poljoprivrede na području Kantona;
- 3) sufinansiranje učešća poljoprivrednika na sajmovima i drugim manifestacijama iz oblasti poljoprivrede koji se organizuju na području Kantona, području Bosne i Hercegovine i van granica Bosne i Hercegovine;
- 4) regresiranje kamata po kreditima odobrenim za poljoprivrednu proizvodnju i to za: kupovinu mehanizacije i opreme i izgradnju objekata u poljoprivredi itd.;
- 5) podsticaj zdravstvenoj zaštiti životinja;
- 6) podsticaj zdravstvenoj zaštiti bilja;
- 7) sufinansiranje osiguranja poljoprivrednih proizvođača i imovine;
- 8) obaveze plaćanja prema članu 124. tačka 1. Zakona o veterinarstvu.

Ministarstvo može u Programu ograničiti mogućnost ostvarivanja ostalih vrsta podsticaja kroz uspostavljanja procedure rangiranja projekata i ograničenja po osnovu statusa korisnika podsticaja u evidenciji Službe za zapošljavanje Bosa-

nsko-podrinjskog kantona Goražde.

Član 21.

(Rezerve)

U ukupno predviđenim sredstvima za podsticaj u poljoprivednoj proizvodnji i ruralnom razvoju iznos rezervnih sredstava ne može biti veći od 5%.

Rezervna sredstva se koriste u hitnim i nepredviđenim intervencijama i to:

- neophodne intervencije u primernoj poljoprivrednoj proizvodnji;
- u slučaju elementarnih i drugih nepogoda (snijeg, grad, suša, vjetrovi, poplava, požar, napad divljih životinja);
- kao i druga plaćanja koja su neophodna u sektoru poljoprivrede, a nisu definisana u gore pomenutim modelima podsticaja.

IV.

KORISNICI -KLIJENTI

Član 22.

(Korisnici-klijenti)

Korisnici-klijenti su pravna i fizička lica koji ostvaruju novčane podsticaje u skladu sa odredbama ovog Zakona i podzakonskim propisima donesenim na osnovu ovog Zakona, te ispunjavaju opće i posebne uvjete propisane ovim Zakonom, Programom i Upustvom, koji se donose na osnovu ovog Zakona.

Član 23.

(Namjensko korištenje sredstava)

Korisnici - klijenti dužni su dobi-

jena sredstva namjenski koristiti.

Ministarstvo za privredu - sektor za poljoprivredu, dokumentaciju na osnovu koje su korisnici-klijenti ostvarili novčani podsticaj dužno je čuvati u skladu sa propisima kojim je regulisano arhiviranje i čuvanje završenih predmeta i akata u organima državne službe.

V.

OPĆI I POSEBNI UVJETI ZA OSTVARENJE NOVČANIH PODSTICAJA

Član 24.

(Opći uvjeti)

Opći uvjeti za ostvarivanje podsticaja:

1. da su upisani u Registar poljoprivrednih gazdinstava, odnosno Registar klijenata (u daljem tekstu registri) u skladu sa Zakonom o poljoprivredi ("Službene novine Federacije BiH", br. 88/07 i 4/10);
2. da imaju proizvodnju na području Bosansko-podrinjskog kantona Goražde;
3. da je registracija pravnog lica na propisanom području.

Član 25.

(Upis u Registar)

Korisnik-klijent koji želi ostvariti pravo na novčane podsticaje u skladu sa ovim Zakonom ima obavezu upisati se u Registar poljoprivrednih gazdinstava, odnosno Registar klijenta (u daljem tekstu: registri) u skladu sa Zakonom o poljoprivredi ("Službene novine Federacije

BiH", br. 88/07 i 4/10).

Član 26.

(Područje proizvodnje)

Pravo na ostvarenje novčanih podsticaja može ostvariti korisnik-klijent koji ima proizvodnju na području Kantona.

Član 27.

(Registracija proizvodnje)

Korisnik-klijent - pravno lice, koji želi ostvariti pravo na novčane podsticaje mora imati registraciju na području Kantona.

Član 28.

(Posebni uvjeti)

Posebne uvjete i potrebnu dokumentaciju kojom se dokazuje ispunjavanje općih i posebnih uvjeta za ostvarenje prava na novčani podsticaj propisat će ministar za privredu Bosansko-podrinjskog kantona Goražde (u daljem tekstu: ministar) programom i uputstima za ostvarivanje prava na novčani podsticaj u primarnoj poljoprivrednoj proizvodnji.

VI.

REALIZACIJA OSTVARENJA NOVČANIH PODSTICAJA

Član 29.

(Program podsticaja)

Novčani podsticaj realizuje se na osnovu ovog Zakona, Programa podsticaja kojim se utvrđuju opći i posebni ci-

ljevi, ukupna vrijednost novčanih podsticaja, vrsta podsticaja, visina podsticaja po jedinici proizvodnje, opći i posebni kriteriji za otvarivanje podsticaja i način ostvarivanja novčanih podsticaja.

Program podsticaja za poljoprivredu stavit će se na javnu raspravu prije što ga kantonalno Ministarstvo za privredu dostavi Vladi Bosansko-podrinjskog kantona Goražde na raspravu i usvajanje.

Član 30.

(Uputstvo)

Nakon davanja saglasnosti na Program podsticaja u poljoprivredi od strane Vlade Bosansko-podrinjskog kantona Goražde, ministar za privredu Bosansko-podrinjskog kantona Goražde donosi uputstva o uvjetima koje moraju zadovoljiti podnosioci zahtjeva za ostvarivanje novčanih podsticaja u poljoprivrednoj proizvodnji.

Član 31.

(Javni poziv)

Ministarstvo za privredu Bosansko-podrinjskog kantona Goražde, nakon donošenja uputstava, raspisuje javni poziv za sve vrste podsticaja u poljoprivrednoj proizvodnji definisane programom i rokovima za podnošenje zahtjeva.

Član 32.

(Dostavljanje zahtjeva)

Korisnik-klijent na propisanom obrascu zahtjeva, sa propisanom dokumentacijom dostavlja Ministarstvu za privredu u propisanom roku zahtjev za ostvarenje prava na novčani podsticaj

(u daljem tekstu: zahtjev).

Zahtjev u ime korisnika-klijenta pravnog lica (privrednog društva ili za druge) podnosi ovlašteno lice u smislu Zakona o privrednim društvima i Općeg zakona o zadrugama, a u ime korisnika-klijenata, fizičkog lica, u smislu Zakona o obrtu, nosilac gazdinstva.

Zahtjev za ostvarenje prava na novčani podsticaj u ime kandidata, porodičnog poljoprivrednog gazdinstva, podnosi lice ovlašteno od ostalih članova porodičnog poljoprivrednog gazdinstva.

Član 33.

(Utvrđivanje činjeničnog stanja)

Službenici Ministarstva za privredu (Sektor za poljoprivredu) nakon provjere dokumentacije utvrđuju činjenično stanje na terenu i zapisnički konstatuju zatečeno stanje.

Član 34.

(Odobranje novčanih podsticaja)

Nakon obrade, provjere dostavljene dokumentacije i utvrđivanja činjeničnog stanja, službenici Ministarstva za privredu (Sektor za poljoprivredu) sačinjavaju prijedlog odluke sa ukupnim iznosom odobrenih sredstava od strane Ministarstva za privredu i upućuju Vladi Bosansko-podrinjskog kantona Goražde na davanje saglasnosti za odobranje novčanih sredstava.

Član 35.

(Isplata novčanih podsticaja)

Nakon davanja saglasnosti na Odluku o odobravanju novčanih sredstava

od strane Vlade Bosansko-podrinjskog kantona Goražde, Ministarstvo za privredu upućuje zahtjev za isplatu novčanih sredstava Ministarstvu za finansije Bosansko-podrinjskog kantona Goražde.

Član 36.

(Službena dokumentacija)

Dokumentacija korisnika-klijenta dostavljena kantonalnom Ministarstvu uvodi se u djelovodnik predmeta i akata i momentom upisa postaje službena dokumentacija sa kojom se postupa u skladu sa Uredbom o kancelarijskom poslovanju organa uprave i službi za upravu u Federaciji BiH ("Službene novine Federacije BiH" broj: 20/98) i Uputstvom o načinu vršenja kancelarijskog poslovanja u organima uprave i službama za upravu u Federaciji BiH ("Službene novine Federacije BiH" broj: 30/98 i 49/98).

VII.

IZVJEŠTAVANJE I ČUVANJE DOKUMENTACIJE

Član 37.

(Izveštaj o realizaciji novčanih podsticaja)

Izveštaj o realizaciji novčanih podsticaja u poljoprivredi Ministarstvo za privredu Bosansko-podrinjskog kantona Goražde će najmanje jednom godišnje dostaviti na razmatranje i usvajanje Vladi i Skupštini Bosansko-podrinjskog kantona Goražde.

Član 38.

(Informisanje Skupštine Kantona)

Vlada Bosansko-podrinjskog kan-

tona Goražde će izvještaj iz člana 34. po potrebi uputiti Skupštini Bosansko-podrinjskog kantona Goražde na razmatranje i usvajanje.

Član 39.

(Čuvanje dokumentacije)

Ministratvo za privredu Bosansko-podrinjskog kantona Goražde je dužno svu propisanu i prikupljenu dokumentaciju iz člana 28. ovog Zakona čuvati i omogućiti uvid u tu dokumentaciju prilikom kontrole od nadležnog kantonalnog inspektora, odnosno stručnog nadzora od ovlaštenih službenika Ministarstva za privredu Bosansko-podrinjskog kantona Goražde.

Član 40.

(Rok čuvanja dokumentacije)

Dokumentacija iz člana 33. ovog Zakona mora se čuvati u skladu sa propisima kojim je regulisano arhiviranje i čuvanje završenih predmeta i akata u organima državne službe.

VIII.

**NADZOR NAD PROVOĐENJEM
OVOG ZAKONA**

Član 41.

(Upravni nadzor)

Kantonalno ministarstvo za privredu (Sektor poljoprivrede) vrši upravni nadzor nad primjenom ovog Zakona i propisa donesenih na osnovu njega, koji su ovim Zakonom stavljani u nadležnost Kantona.

Nadzor nad provođenjem ovog Zakona vrši Ministarstvo u okviru svoje nadležnosti.

Član 42.

(Inspekcijski nadzor)

Inspekcijski nadzor nad provođenjem ovog Zakona i propisa donesenih na osnovu ovog Zakona vrši kantonalni poljoprivredni inspektor u okviru svoje nadležnosti (u daljem tekstu: poljoprivredni inspektor).

Član 43.

(Obaveza nadzora)

Fizička i pravna lica koja podliježu nadzoru nadležnog poljoprivrednog inspektora dužna su pružiti potrebne podatke i obavještenja, omogućiti vršenje nadzora, odnosno osigurati uvjete za nesmetan rad.

Fizička i pravna lica iz stava 1. ovog člana dužna su na zahtjev poljoprivrednog inspektora u određenom roku koji odredi inspektor dostaviti ili pripremiti podatke i materijale koji su mu potrebni za obavljanje poslova inspekcijskog nadzora.

Član 44.

**(Privremeno oduzimanje
dokumentacije)**

U vršenju inspekcijskog nadzora poljoprivredni inspektor može privremeno oduzeti dokumente i predmete koji će u disciplinskom, odnosno prekršajnom ili sudskom postupku poslužiti kao dokaz.

O privremenom oduzimanju dokumentacije ili predmeta iz stava 1. ovog člana izdaje se potvrda.

Član 45.

(Sastavljanje zapisnika)

Nadležni poljoprivredni inspektor u provođenju inspeksijskog nadzora sastavlja zapisnik na licu mjesta, donosi rješenje kada je za to ovlašten ovim Zakonom i propisima donesenim na osnovu njega.

Član 46.

(Povredba odredbi Zakona)

Ako nadležni poljoprivredni inspektor u postupku inspeksijskog nadzora utvrdi da su povrijeđene odredbe ovog Zakona i propisa donesenih na osnovu njega, naredit će rješenjem da se utvrđene nepravilnosti, nedostaci uklone najkasnije u roku od 15 dana.

Član 47.

(Lažno prikazana proizvodnja)

Ukoliko se utvrdi da su sredstva na ime novčanih podsticaja utvrđenih ovim Zakonom utrošena nenamjenski ili ostvarena na osnovu lažno prikazane proizvodnje, kao i lažno predočene dokumentacije, kandidat-klijent je dužan vratiti novčana sredstva u roku od 30 dana od dana pravosnažnosti rješenja.

U slučaju iz stava (1) ovog člana, kandidat može podnijeti novi zahtjev za ostvarivanje prava na novčani podsticaj iz ovog Zakona i ostvariti pravo na novčani podsticaj, ukoliko je ispunio sve uvjete propisane ovim Zakonom i podzakon-

skim aktima donesenim na osnovu ovog Zakona, nakon tri godine od dana povrata novčanih sredstava naloženih rješenjem.

Član 48.

(Žalba protiv rješenja)

Protiv rješenja kantonalnog poljoprivrednog inspektora može se izjaviti žalba kantonalnom Ministarstvu u roku od 8 dana od dana prijema rješenja.

IX.

KAZNE NE ODREDBE

Član 49.

(Visina novčanih kazni)

Kandidat-klijent koji učini prekršaj iz članova 23. i 47. ovog Zakona kažnjava se novčanom kaznom:

- pravno lice u iznosu od 5.000,00 KM do 10.000,00 KM,
- odgovorno lice u pravnom licu od 2.000,00 KM do 4.000,00 KM,
- Kandidat-klijent koji učini prekršaj iz članova 21. i 44. ovog Zakona kažnjava se novčanom kaznom:
- fizičko lice u iznosu od 1.000,00 KM do 2.000,00 KM,

Član 50.

(Oduzimanje novčanog podsticaja)

Za prekršaje iz članova 23. i 47. ovog Zakona, uz novčanu kaznu, izreći će se i mjera oduzimanja novčanog podsticaja koji je ostvaren, odnosno nastao prekršajem.

X.

PRELAZNE I ZAVRŠNE ODREDBE

Član 51.

(Dostavljanje programa)

Kantonalno ministarstvo će u roku od 30 dana od dana usvajanja Budžeta Bosansko-podrinjskog kantona Goražde, Vladi Bosansko-podrinjskog kantona Goražde dostaviti programe na usvajanje o vrsti, osnovnim kriterijima i načinu ostvarivanja novčanih podsticaja u primarnoj poljoprivrednoj proizvodnji i ruralnom razvoju u skladu sa članom 29. ovog Zakona.

Uputstvo za ostvarivanje novčanih podsticaja u primarnoj poljoprivrednoj proizvodnji donijet će kantonalno Ministarstvo u roku od 30 dana od dana davanja saglasnosti na program iz stava 1. ovog člana.

Član 52.

(Stupanje na snagu)

Danom stupanja na snagu ovog Zakona prestaje važiti Zakon o novčanim podsticajima u primarnoj poljoprivrednoj proizvodnji i ruralnom razvoju na području Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 13/09).

Ovaj Zakon stupa na snagu osmog dana od dana objavljivanja u „Službenim novinama Bosansko-podrinjskog kantona Goražde“.

Broj:01-02-205/13 PREDSEDavajući
12.03.2013. godine SKUPŠTINE
G o r a ž d e Suad Došlo,s.r.

256

Na osnovu člana 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03), **d o n o s i m:**

U K A Z

**O PROGLAŠENJU ZAKONA
O IZMJENAMA I DOPUNAMA
ZAKONA O POREZU NA IMOVINU,
NASLIJEĐE I POKLON**

Proglašava se Zakon o izmjenama i dopunama Zakona o porezu na imovinu, naslijeđe i poklon, koji je donijela Skupština Bosansko-podrinjskog kantona Goražde, na 19. redovnoj sjednici, održanoj 12. marta 2013. godine.

Broj:02-02-114/13 P R E M I J E R
12.03.2013.godine Emir Frašto,s.r.
G o r a ž d e

257

Na osnovu poglavlja IV. odjeljak A. člana 23. tačka b) Ustava Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 8/98,10/00 i 5/03) i člana 106. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 10/08), Skupština Bosansko-podrinjskog kantona Goražde, na 19. redovnoj sjednici, održanoj 12.03. 2013. godine, **d o n o s i:**

Z A K O N

**O IZMJENAMA I DOPUNAMA
ZAKONA O POREZU NA IMOVINU,
NASLIJEĐE I POKLON**